

أسرح اب حزني وتظل شاغل خيالي

من يجي محرم وذكرنك يغالي  
شنهو حالك يابو صالح هالليالي

والخلائق تنعى والدلال ذايب

شنهو حالك وانت تنظر للمواكب  
ادري ماتتحمل المحنه يد غايب

تتزايد آلام  
طول ليّام

من يجي طاري الشمر  
اعليك چم موقف قسى

ومو دمع تذرف جمر  
والجرح ماينسى

ادري قلبك منكسر  
الفقد تتحسسه

الله ياحامي الشرع  
يعينك الله اعلى البله

من مصيبة تستمع  
بعينك انتة امفصله

حالتك مثل الشمع  
كل مشاهد كربله

\*\*\*\*

من يجي عاشر  
ويكسر خاطر

شيخفف نحبك  
يجري بوجنك دم

شيصبر قلبك  
كل موقف أعظم

تظل بيها يغايب وسفه امحير  
وجروحك عالوصف اكبر و اكبر  
و قلبك بالأسى يالمهدي يتوجر  
شعورك تفقده يالمهدي ماتقدر

مشاهد تدمي قلبك بالمصايب  
شعده يابو صالح من جراحتك  
خيم زينب في عاشر باللظى تلهب  
إذا تسمعها تندب يالأخو ادركني

\*\*\*\*

تبجي بلوعة وحسرة  
ينزف راسه بطبرة  
عاري ظل عالغبرى  
تتادي يابن الزهره

ولا واحد ليها عطف  
يا مهدي وكله ألم  
عالتربه وحده طعين  
ودمعات المحنه تدر

لا حامى يمها وقف  
وعمك بعيونه سهم  
وجدك ابلايه معين  
وطفاله بصحرا تفر

والله يالغايب  
بعد الحبايب

وصبرك مدري من وينه تجيبه  
إذا زينب وسف صارت غريبه

وتسافر باليسر عنهم سبيه  
بعد ذيج المعزه شلون هيه

وتعـاتـبـهم  
قلـبـ زـينـب

تتـادـيـهم  
يـعـينـ الله